

मार्निंग डोगरी न्यूज बुलेटिन, समें. 09.20 Hrs

<><><><><><>

Headlines

1. घाटी दे कुलगाम जिले दे सुधसोना बेहीबाग इलाके च कल सुरक्षाबलें ते आतंकवादिएं बशकार गोलीबारी मगरा अज्ज बड्डलै सुरक्षाबलें इलाके च घेराबंदी ते तपाशी अभियान फही रम्भी दिता ऐ।
2. मुखमंत्री ओमर अब्दुल्ला होरें कल नमीं दिल्ली च उपराष्ट्रपति जगदीप धनखड़ हुंदे'नै मलाटी कीती। अगले द'ऊं दिनें दरान उंदा राष्ट्रपति द्रौपदी मुर्मु ते वित्त मंत्री निर्मला सीतारमण हुंदे'नै मिलने दा कार्यक्रम ऐ।
3. मुख सचिव अटल डुल्लु होरें शैही इलाकें च साफ-सफाई ते कचरे दे प्रबंधन सरबन्धी कम्में दी अमल-आवरी दी समीक्षा कीती। प्रदेश दे शैही मुकामी निकायें लेई 700 करोड़ रुपें शा मते दिएं कार्ययोजनाएं गी मंजूरी दिती गेई ऐ।
4. मौसम विभाग नै जम्मू-कश्मीर च औंदी 14 ते 15 नवम्बर गी हौली बर्फबारी ते बरखा दी पेशगोई कीती ऐ। 17 नवम्बर शा 23 नवम्बर तगर मौसम खुशक बने दा रौहग।

Kulgam-Encounter

जम्मू-कश्मीर दे कुलगाम जिले च Sudhsona Behibag च सुरक्षाबले इलाके गी घेराबंदी करिये तपाशी अभियान परतिये शुरू करी दिता ऐ। कल दपैहरी बी इलाके च सुरक्षाबले ते आतंकवादिएं बशकार गोलीबारी होई ही। पुलस सूत्रे दस्सेआ जे बादू नफरी गी सद्देआ गेआ ऐ तां जे आतंकवादी नस्सने च कामयाब नेई होई सकन। अधिकारी मूजब घेराबंदी आहले घेरे गी होर बी मजबूत बनाया ऐ। होर ब्यौरे गी अजे बलगेआ जा'रदा ऐ।

<><><><><><>

CM-Omar Abdullah

जम्मू-कश्मीर दे मुखमंत्री ओमर अब्दुल्ला होरे कल नमीं दिल्ली च उपराष्ट्रपति जगदीप धनखड़ हुंदे'नै मलाटी कीती। ओमर होर सरकारी दौरे दे तैहत ऐल्लै नमीं दिल्ली च न ते अगले द'ऊं दिनें दरान ओह राष्ट्रपति द्रौपदी मुर्मु ते खजाना मंत्री निर्मला सीतारमण हुंदे कन्नै बी मलाटी करडन। उंदा एह दौरा केन्द्र सरकार दे कन्नै तालमेल बधाने दी जम्मू-कश्मीर सरकार दी वचनबद्धता गी दर्शादा ऐ। अपने दौरे दरान मुखमंत्री ओमर अब्दुल्ला होरे जंदी 12 नवम्बर गी राज्ये ते केन्द्र शासित प्रदेशे दे बिजली मंत्रिएं दे सम्मेलन च हिस्सा लैता हा जेहदी प्रधानता केन्द्री बिजली मंत्री मनोहर लाल खट्टर होर करै करदे हे। सम्मेलन दरान ओमर होरे पनबिजली दी पैदावार लेई अपने दरेयाएं दी पूरी समर्थ दा इस्तेमाल करने च जम्मू-कश्मीर गी पेश आवै करदी चुनौतिएं बारै बी प्रमुखता कन्नै अपने विचार सांझे कीते हे।

<><><><><><>

CS

मुख्य सचिव अटल डुल्लू होरें घरें-मकानें ते शैहरी विकास मैहकमे दी इक बैठक लाइए स्वच्छ भारत मिशन शैहरी दी अमलावरी तैहत होई दी प्रगति दा जायजा लैता। एहदे तैहत कचरे दा साईसदी ढंगै सिर निपटारा ते भारत दे सारे शैहरें गी कचरामुक्त बनाना ऐ। मुख्य सचिव होरें जम्मू-कश्मीर च इनें प्रोजैक्टें दी अमलावरी लेई फैसले लैने लेई गलाया। उनें आखेआ जे केंद्र प्रायोजित स्कीमां समेंसिर पूरियां होनियां लोड़चदियां तां जे इंदी बेहतर ढंगै सिर अमलावरी होई सकदी ऐ ते इंदा लाह लोके गी थहोई सकदा ऐ म्युनिसिपैलिटिएं लेई साफ-सफाई ते कचरे दे प्रबंधन सरबन्धी प्रस्तावित कार्य योजना बारै मुख्य सचिव होरें स्वच्छ भारत मिशन 2 तैहत चलाए जारदे बक्ख-बक्ख हीलें बारे पुच्छेआ। उनें इस मिशन लेई तय समें सीमा च खत्म करने ते एहदे कारगर अमलावरी लेई होर मते जत्न करने पर जोर पाया।

<><><><><><>

Jhiri-Mela

10 रोजा चलने आहला सालाना झिड़ी मेला जम्मू-अखनूर राष्ट्रीय जरनैली शिड़के पर जम्मू थ्वां कोई 20 किलोमीटर दूर बाहरले इलाके झिड़ी गां च अज्जै थ्वां शुरू होआरदा ऐ जेड़ा 24 नवंबर तगर जारी रौहग। जम्मू-कश्मीर दे उपराज्यपाल मनोज सिन्हा होर 16 नवंबर गी मेले दा औपचारिक उद्घाटन करंगन। एह मेला हर बरे कार्तिक पुण्णया पर झिड़ी गां च आयोजित कीता जंदा ऐ जेदे च बाबा जित्तो हुंदी सुच्ची सम्हालै च मनाय जंदा ऐ। मेले च पूरे मुख्य ते विदेशें थमां लक्खां बद्दे श्रद्धालु शामिल हुंदे न। इस मेले च तकरीबन 20 लक्ख श्रद्धालुएं दे हिस्सा लैने दी मेद ऐ। इस मेले च सरकारी मैहकमें गी इक मौका हासल हुंदा ऐ। स्कीमें ते प्रोग्रामें गी प्रोत्साहन देने दा।

Jagmohan Ji

एह मेला 16मीं सदी दे डोगरा नायक ते क्रांतिकारी करसान बाबा जितो हुंदे सर्वोच्च बलिदान कन्नै जुड़ी दी सुच्ची सम्हाला च मनाया जंदा ऐ। उनें बेन्यायी दे खलाफ लड़ाई लड़ी ते इलाके दे जिमींदार आसेआ धोखा दिते जाने दे बाद जगीरदारी नजाम दे खलाफ अवाज बुलंद करदे होई अपने जिंदु दा बलिदान देई दिता। लक्खां बद्धे श्रद्धालु बाबा जितो होरेंगी श्रद्धांजलि देने लेई झिड़ी ग्रांs औंदे न। एह मेला समाज च एकता, ईमानदारी, सच्चाई, दलेरी ते मासूमियत गी बढ़ावा दिंदा ऐ ते इलाके दी समृद्ध संस्कृति दा बी प्रतीक ऐ। मेले च ऐगती तकरीबन 20 लक्ख लोकें दे औने दी मेद ऐ, जेहदेनै एह सरकारी मैहकमें लेई ग्रामीण आबादी गी लाह पुजाने आहली योजनाएं ते कार्यक्रमें गी सक्रिय रूप कन्नै बढ़ावा देने दा मौका बनी जाग। बक्ख-बक्ख सरकारी विभागें आसेआ कल्याणकारी योजनाएं दी जानकारी प्रदान करने लेई खास पंडाल स्थापित कीते जा'रदे न। एह आयोजन मुकामी कारीगरें गी बढ़ावा देने ते जम्मू-कश्मीर दे बाह्रै थमां औने आहले श्रद्धालुं गी इत्थुं दी पारंपरिक कलाएं बारै जानकार बनाने दा इक अहम मंच बी ऐ। एह आयोजन नां छड़ा मुकामी कृषि लेई सगुआं जम्मू दी सांस्कृतिक विरासत गी प्रदर्शित करने लेई बी मता महत्वपूर्ण ऐ। डोगरी खबरें लेई एन. गुलशन रैना दी रिपोर्ट कन्नै मैं जगमोहन शर्मा।

Dr. Jitender Singh

केंद्री मंत्री डॉ जतिंद्र सिंह होरें कल उधमपुर दे इक डोगरा कलाकार गौरीनाथ होरें गी नमीं सारंगी भेंट कीती। गौरीनाथ हुंदा जिक्र प्रधानमंत्री होरें हाल दे अपने मन की बात कार्यक्रम च कीता हा जिनें सदिएं पराने बाद्य यंत्र गी बचाइए रखने लेई कम्म कीता ऐ। डॉ. जतिंद्र सिंह होरें इस बाद्य यंत्र गी भेंट करदे होई आखेआ जे प्रधानमंत्री हुंदे शब्द उधमपुर लेई मानै आहला क्षण हा जिसले उनें गौरीनाथ हुंदे अनथक जत्नें दा जिक्र कीता। एहदे राएं खिते दी समृद्ध विरासत दा पता लगदा ऐ। मन की बात आहले अपने कार्यक्रम च प्रधानमंत्री होरें गौरीनाथ हुंदा जिक्र कीता हा। उने आखेआ जे ओह ऐसे महान व्यक्ति न जिंदी अपनी विरासत दे संस्कृति प्रति निष्ठा लोकें गी प्रेरित करदी ऐ। उनें रिवायती कला दा टकोहदे तरीके राएं संरक्षण कीता ऐ।

<><><><><><>

Satish Sharma

सूचना टेक्नोलॉजी सने प्रशासनिक सुधारें ते निरीक्षण ते सिखलाई आहले मैहकमें दे मंत्री सतीश शर्मा होरें कल जम्मू आहले सिविल सचिवालय च सरबंधत मैहकमें दे अधिकारिएं दी इक बैठक लाई। इस मौके उनें'गी दस्सेआ गेआ जे मैहकमे आसेआ डिजिटल बदलावें, साईबर सुरक्षा ते ऑनलाईन सेवाएं दी दस्तयाबी बक्खी टकोहदा ध्यान दिता जा करदा ऐ। उनें'गी इब्बी दस्सेआ गेआ जे ई-उन्नत पोर्टल दे राहें ऐल्लै 1 जहार 164 सेवां ऑनलाईन उपलब्ध करोआईयां जा करदिआं न। मंत्री होरें इस मौके पर मैहकमे आसेआ चलाए जा करदे प्रोजेक्टें, ढांचागत विकास ते सेवाएं दी स्थिति बारै बी चर्चा कीती ते मैहकमे गी तगडा बनाने ते बड़ी परियोजनाएं गी बेल्ले सिर सबूरा करने दे हुक्म रसाल कीते।

JK Weather

मौसम विभाग नै औने आहले दिनें च बरखा ते बर्फबारी दी पेशनगोई कीती ऐ। आकाशवाणी जम्मू संवाददाता दी रिपोर्ट मूजब मौसम विभाग नै 14 ते 15 नवंबर गी कश्मीर ते जम्मू खिते दे हिस्सें खास करी उच्चिएं धारें पर हल्की बरखा ते बर्फबारी होने दी पेशनगोई कीती ऐ। 16 नवंबर गी किश थाहरें पर हल्की बरखा ते बर्फबारी होई सकदी दऐ। 17 थवां 23 नवंबर तगर मौसम पूरी चाल्ली खुशक रौहग। मौसम विभाग नै 15 नवंबर लेई परामर्श जारी कीता ऐ। इस दौरान उच्चिएं धारें पर हल्की बर्फबारी होग जेदे कन्नै यातायात पर असर पेई सकदा ऐ। इस दौरान जेड़े रस्ते पर असर पेई सकदा ऐ, उंदे च जोजिला, राजदान पास, साधना पास, सिंथन टॉप ते मुगल शिड़क शामिल ऐ। विभाग दे श्रीनगर केंद्र नै सैलानिएं ते होरनें लोकें गी अपील कीती ऐ जे ओह अपनी यात्रा दी मौसम स्हाबै योजना बनान।

Trout-Fishing

मच्छी पालन मैहकमे आसेआ रामबन जिले च ट्राउट मच्छी दी पैदावार गी बढ़ावा देने लेई केई सारे हीले कीते जा करदे न तांजे मुकामी करसानें दी औंदन च बाद्दा कीता जाई सकै। इस गैह दे तैहत करसानें गी ट्राउट मच्छी दे बीह मैहकमे आसेआ उपलब्ध करोआए जा'रदे न तांजे बीएं पर होने आहली लागत घट्ट होई सकै ते एहदा लाह गरीब मच्छी पालक करसानें गी थहोऐ। मैहकमे दी इस गैह कन्नै नां छड़ा सरकारी फार्म गी ट्राउट मच्छी दे बीह उपलब्ध होडन सगुआं ओकड़े निजी फार्में गी बी एह बीह थहोडन जेहड़े ट्राउट मच्छी दी पैदावार कन्नै जुड़े दे न। उआं

राई-बाई खेतर दे पूरे-पराते विकास सरबन्धी प्रोग्राम एच.ए.डी.पी. तैहत मैहकमे आसेआ जिले दे गूल इलाके च स्थित फिश-फार्म च ट्राउट मच्छी दे 30 जहार बीएं दी पैदावार दी समर्थ मजूद ऐ। ध्यानजोग ऐ जे इस चाल्ली दिएं योजनाएं राहें मुकामी लोकें गी बी मच्छिएं दी पैदावार आहले फार्म स्थापित करने च मदाद कीती जंदी ऐ। इस बारै च आकाशवाणी कन्नै गल्ल करदे होई मच्छी पालन विभाग रामबन दे जिला अधिकारी अता उल्लाह खान होरें आखेआ।

<><><><><><>

MIB-NFDC

सूचना ते प्रसारण मंत्रालय दे राश्ट्रीय फिल्म विकास निगम एन.एफ.डी.सी ते मनोरंजन सोसायटी गोवा दे सहयोग कन्नै औंदी 20 विं 28 नवंबर 2024 थां गोवा च 55में भारतीय अंतरराश्ट्रीय फिल्म उत्सव दा सरिस्ता करा रदा ऐ। आकाशवाणी जम्मू संवाददाता दी रिपोर्ट मूजब एह फिल्म उत्सव पणजी च लग्गोग। इस बरे एहदा विशे सार ऐ युवा फिल्म कार।

<><><><><><>